

Na osnovu člana 91. Statuta Općine Travnik („Prečišćeni tekst - Službene novine Općine Travnik“, broj: 11/05) i Memoranduma o razumijevanju provedbe projekta Ugovor između Općine Travnik i Odjela za demokratizaciju Misije OSCE-a u Bosni i Hercegovini potpisanog 18.03. 2005. godine, Općinsko vijeće Travnik na sjednici održanoj 08. 05. 2008. godine, d o n o s i

(NACRT)

STRATEGIJA PARTNERSTVO S GRAĐANIMA

I UVOD

Projekt Ugovor „Memorandum o razumijevanju“ sačinjen između općine Travnik i Odjela za demokratizaciju Misije OESC-e u Bosni i Hercegovini, broj: 01-595/05 od 18.03. 2005. godine, definisan je detaljan opis projekta UGOVORA kako bi promovirali lokalnu demokraciju i jačanje veza između građana i Općine.

Osnov UGOVORA se temelji na principu da djelotvorna i učinkovita lokalna uprava nalaže prednost kako građana tako i Općine u zajedničkom radu.

Projekt UGOVOR sastoji se od pet (5) modula:

- Primjena / implementacija Zakona o slobodnom pristupu informacijama
- Primjena / implementacija Etičkog kodeksa za izabrane zvaničnike
- Uspostava Komisije za planiranje općinskog razvoja (KPOR)
- Usklađivanje zakonskog okvira
- Partnerstvo sa građanima

Princip Partnerstvo između općine i građana naglašavaju svi moduli Ugovora.

Svrha ovog modula je direktno usmjeravanje i razvijanja partnerstva između Općine – lokalne vlasti i građana interesnih skupina građana, zatim različitih udruženja (Nevladinih organizacija (u skladu sa Sporazumom između Općinskog vijeća, općinskog načelnika i nevladinih organizacija („Službene novine Općine Travnik, broj: 9/06) i Mjesnih zajednica Općine Travnik).

Partnerstvo se može definisati kao jedinstvo zajedničkih ciljeva gdje obe strane ostvaruju korist od zajedničkog djelovanja i postignutog uspjeha.

Strategijom o partnerstvu lokalna vlast iskazuje prednost, stvaranje pozitivnog okruženja i davanje smjernica za sudjelovanje građana i interesnih skupina građana u upravljanju i rješavanju pitanja koja su od njihovog interesa.

Stoga je partnerstvo od suštinskog značaja u osiguravanju najdjelotvornijih i najučinkovitijih načina korištenja općinskih resursa.

Partnerstvo je takođe sredstvo kojim Općina i građani mogu podijeliti odgovornost u obavljanju određenih zadataka uključujući i pružanje usluga.

Definicija koncepta „Partnerstvo“

Partnerstvo je institucionalizirana interakcija između dvije ili više strana.

U ovom slučaju je jedna strana lokalna vlast – uprava, a druga strana je građansko društvo, koje zajedno rade u ostvarivanju zajedničkih ciljeva kroz kreiranje i provedbu aktivnosti – projekata usmjerenih rješavanju zajedničkih identificiranih problema i podjeli odgovornosti za opći rezultat.

Ovaj model fokusira se na dva aspekta partnerstva:

- Partnerstvo u izradi standarda pružanja usluga
- Partnerstvo u implementaciji općinskih zadataka i odgovornosti

Cilj partnerstva sa građanima je omogućavanje snažnijeg razvoja lokalnih resursa i poboljšanje kvaliteta života građana u lokalnoj zajednici kroz uspostavu stalne saradnje sa lokalnom upravom.

Krajnji cilj rada na promociji partnerstva je da ovaj koncept bude opće poznat i prihvaćen od građana i organizacije civilnog društva, kao i zadatak lokanim vlastima da rješavaju pitanja koja su u interesu građana Općine.

Svrha Partnerstva

Svrha partnerstva je organizacijsko, finansijsko i programsko osnaživanje kao i razvoj udruženja građana, mjesnih zajednica i drugih NVO s ciljem njihovog povezivanja, kvalitetnog djelovanja i osnaživanja volonterskog rada, a sve u funkciji razvoja lokalne zajednice i postizanja uslova za viši životni standard građana.

Strategijom partnerstva se uspostavlja novi institucionalizovani mehanizam kojim će se podržati i unaprijediti postojeća partnerstva, inicirati nova uspostavljanjem stalne saradnje građana i organizacija civilnog društva sa općinom Travnik.

Pravni osnov za Partnerstvo

U Federaciji BiH novi Zakon o principima lokalne samouprave osigurava osnovu za različite oblike sudjelovanja građana i razvoj partnerskog odnosa između građana i lokalnih vlasti.

Prema članu 3. navedenog Zakona „Lokalna samouprava se organizira i vrši u općinama i gradovima kao jedinicama lokalne samouprave i provode je organi jedinica lokalne samouprave i građani u skladu sa Ustavom, Zakonom i Statutom jedinice lokalne samouprave“.

Član 39. Zakona reguliše javnost rada na način koji garantira uspostavljanje mehanizama za efektivan politički nadzor. Najvažniji propisi vezani za sudjelovanje građana su sadržani u poglavlju IX koje reguliše direktno sudjelovanje građana u procesu donošenja odluka, te poglavlja VI koje reguliše pitanje samouprave u zajednici.

Pravni osnov za razvoj partnerstva se može naći i u drugim zakonskim propisima.

Zakon o javnim nabavkama BiH („Službeni glasnik BiH“, broj: 49/04) u članu 7. obavezuje organ koji provodi proceduru nabavke osnovati Komisiju, dopuštajući licima van ugovorene strane da budu članovi Komisije. Iz tog razloga moguće je razviti partnerski odnos sa građanima i u okviru ovog segmenta rada lokalnih vlasti.

Potencijalni partneri

Strategija partnerstva se uspostavlja između Općinske vlasti (načelnik općine, Općinsko vijeće, ustanove čiji je osnivač Općina, Odbori i Komisije Općinskog vijeća) i organizacija civilnog društva (Nevladine organizacije, udruženja građana, mjesne zajednice, vjerske institucije i dr.) kao potencijalnih partnera u realizaciji svih aktivnosti na području Općine.

Partnerski odnosi mogu biti kratkoročni, srednjoročni i dugoročni, dobrovoljni i finansirani, a u realizaciji Strategije partnerstva prilikom selekcije partnerskih aktivnosti posebno će se dati prioritet projektima koji su predviđeni strateškim planom razvoja Općine Travnik uz istovremeno uvažavanje specifičnih potreba građana općine Travnik.

Pravo građana i organizacija civilnog društva je da doprinesu realizaciji projektnih aktivnosti kroz volontiranje, davanje vlastitih ideja, stručnih znanja iskustava, vještina i vlastitim učešćem u finansijskim i drugim resursima, kao jedini legitimni predstavnik određene grupacije građana.

Prava i obaveze Općine, kao partnera u realizaciji projektnih aktivnosti u obezbjeđenje političke podrške, finansijske i tehničke podrške i legaliteta uz istovremeno obezbjeđenje kontakta u obliku institucionalnih okvira.

Rezultat ovih aktivnosti je povećanje kredibiliteta i odgovornosti općinske vlasti i ujedno povećanje efikasnosti u rješavanju prioritarnih problema zajednice.

Institucionalizacija

Opredjeljenje Općine je da kroz usvajanje Strategije partnerstvo nastavi započete aktivnosti na daljoj institucionalizaciji partnerskih aktivnosti koje će imati za cilj uvođenje Evropskih standarda u pružanju usluga u organima Općine i ustanovama i institucijama čiji je osnivač Općina, a koje su u službi građana i organizacija civilnog društva.

Općinsko vijeće će svojom Odlukom osnovati tijelo za implementaciju i nadzor implementacije partnerstva, te imenovati članove tijela ispred organa Općine i legitimnih predstavnika građana i organizacija civilnog društva, te precizirati nadležnosti tijela.

Stalno tijelo može biti utemeljeno kao Odbor za partnerstvo.

Sastavni dio Strategija partnerstva su akta koje je donijelo Općinsko vijeće Travnik i općinski načelnik (prilog br. 1)

II. PROCES PARTNERSTVA SA MEHANIZMIMA

Proces partnerstva odvija se između lokalnih vlasti i civilnog društva, gdje obje strane rade na ostvarivanju zajedničkog cilja kroz zajedničko osmišljavanje i provedbu aktivnosti koje za cilj imaju zajedničko rješavanje identificiranog problema, te podjelu odgovornosti za konačni rezultat.

Proces partnerstva realizira se kroz slijedeća četiri koraka:

- Zajednička identifikacija problema
- Zajednička izrada akcijskog plana
- Zajednička provedba akcijskog plana
- Zajedničko nadgledanje provedbe i evaluacija akcijskog plana

Mehanizmi za četiri koraka u procesu partnerstva

Mehanizmi trebaju biti sistemski određeni (odluke, rješenja i sl.) jer je to potvrda ozbiljnosti u provođenju Strategije i budućih akcionih planova.

Zajednička identifikacija problema

Zajedničko identificiranje za cilj ima zajedničku identifikaciju problema zajednice koji se treba riješiti kroz partnerstvo.

Problemi se mogu identificirati na više načina, kao što su: zajednička konsultacija između Općine i civilnog društva, konzultacije s načelnikom, redovnim sastancima lokalnih vlasti s mjesnim zajednicama, istraživanje javnog mnijenja i javni skupovi (zborovi građana, javne rasprave, neformalni susreti s građanima), mjesne zajednice, građanske inicijative, putem zastupničkog ureda, koordinativni sastanci sa građanskim grupama, kroz upitnike na službenoj WEB stranici Općine i Centru za pružanje usluga građanima (upitnici, knjiga žalbe itd.)

Zajedničko identificiranje problema važno je zbog zajedničkog prepoznavanje problema i odabira jednog od tih kao prioritarnog.

Ciljevi i dobrobiti identifikacije problema uz uključivanje javnosti:

- povećanje razumijevanja građana o mogućnostima planiranja te usmjeravanja vlastite budućnosti (i razvoja demokratskih postupaka),
- povećanje brige zajednice za rješavanje vlastitih problema pomaže pri društvenom povezivanju i osjećaju društvene odgovornosti,
- jačanje osjećaja kod građana da njihovo sudjelovanje ima pozitivan utjecaj na uslove života u njihovoj zajednici;
- smanjenje prostora za potencijalne sukobe s lokalnom samoupravom kao kritike prema lokalnoj samoupravi;

- donošenje kreativnih rješenja koja odgovaraju lokalnim potrebama;
- kompetentnije donošenje kvalitetnijih odluka, uvažavanjem različitih mišljenja i pristupa, vrijednosti i ideja te prikupljanje izravnih spoznaja o okolini u kojoj žive članovi zajednice;
- unaprjeđenje svijesti građana o pitanjima zajednice i razumijevanje javnosti za projekte i pitanja koja su utjecala na donošenje odluka, što je uslov za povećanje povjerenja građana u institucije vlasti.

Informisanje građana, MZ-a i NVO-a o Strategiji partnerstva i promocija prednosti Partnerstva za lokalnu zajednicu putem: javnih tribina, pamfleta, informativnih sastanaka, WEB stranice, Centra za pružanje usluga građanima, medija, brošura, dnevne štampe, Službenih novina Općine Travnik itd.

Edukacija predstavnika MZ o značaju civilnog društva, komunikacije s ciljem daljeg aktivnijeg angažmana educirane osobe po pitanju jačanja komunikacije MZ sa lokalnom upravom i identifikacijom problema. U pitanju je postojeći kadar, koji bi za simboličnu naknadu i ugovor o djelu bio/la odgovoran/na za izvršenje procesa identifikacije u svojoj MZ. Na ovaj način bi se uticalo i na motiviranje mladih za angažman u zajednici.

U toku identifikacije problema moguće je provesti:

- sastanke procjene i analize situacije u svakoj pojedinačnoj MZ sa zainteresovanim građanima; educirani predstavnici MZ će objediniti rezultate sastanaka i dostaviti nadležnom koordinacionom tijelu na uvid;
- stvaranje baze podataka o postojećim resursima u MZ (mašine, aparati, mali obrti, nezaposleni koji mogu biti animirani kroz javne radove i sl.)
- ili distribucija kartica:

„Mi, građani/ke Travnika, primjećujemo da u našoj MZ nedostaje _____ ili treba poboljšati _____. Također, upućujemo riječi pohvale za _____.
Molimo Vas, popunjene kartice sa Vasim prijedlozima i komentarima dostavite u prostorije MZ i ubacite u kutiju za komentare.

Kartice će finasirati Općina Travnik, a bit će distribuirani na sve adrese u NVO-e, MZ-e putem predstavnika MZ i predsjednika kućnih savjeta, aktivista MZ ili putem škola i dr.

Kartice će biti analizirane od strane educiranih predstavnika MZ i objedinjene na zajedničkom sastanku istih, te prezentirane Koordinacionom tijelu i Općinskom vijeću uz medijsko praćenje.

- TV emisije otvorenog tipa – direktnog kontakta sa građanima:

Rezultati održanih sastanaka ili analize kartica mogu biti prezentirani javnosti putem TV, radija, javnih tribina, pamfleta, informativnih sastanaka brošura, dnevne štampe, Službenih novina Općine Travnik itd. kada se mogu dobiti dodatni komentari i sugestije po pitanju identifikacije problema u zajednici i na taj način dopuniti postojeći nalazi.

Zajednička izrada akcijskog plana

Drugi korak partnerstva jest zajednička izrada akcijskog plana u partnerstvu između Općine i civilnog društva.

Ovaj korak za cilj ima riješiti zajednički identificirani problem kroz zajedničko sudjelovanje svih partnera.

Zajednička izrada akcijskog plana važna je, jer obje strane sudjeluju u procesu donošenja odluka, te zbog precizne podjele odgovornosti za konačni rezultat partnerstva. Ono što je ovdje

bitno naglasiti jest da JEDNAK doprinos partnera nije uslov, doprinos će ovisiti o prirodi problema i od nivoa stručnosti potrebnog za njegovo rješavanje.

Mješovita radna tijela OV-a različitih područja djelovanja (ovisno o identifikaciji problema), ko-ordinacijski sastanci sa zainteresiranim grupama.

- Formirana Komisija za planiranje općinskog razvoja (KPOR) će planirati aktivnosti za relevantne sfere djelovanja lokalne zajednice, a u skladu sa nalazima analize identifikovanih problema u definisanim područjima od važnosti za cjelokupan razvoj Općine. Sastav 19 predstavnika lokalne zajednice iz svih sfera djelovanja.
- Mješovite radne grupe Općinskog vijeća
- Odbor za partnerstvo i druga radna tijela Općinskog vijeća

Zajednička provedba akcijskog plana

U zajedničkoj provedbi akcijskog plana sudjeluju svi partneri u skladu sa svojim mogućnostima. Nije nužno da svi moraju dati jednak doprinos.

Doprinos svakog od partnera ovisiti će od prirode aktivnosti koja se provodi, njezinog intenziteta i potrebnog nivoa stručnosti.

Svaki od partnera je odgovoran za realizaciju aktivnosti u skladu sa zajednički dogovorenim akcijskim planom.

U provedbu akcijskog plana se mogu uključiti i vanjski saradnici koji mogu dati znatan doprinos u skladu sa svojim znanjem i stručnošću.

Jako je važno u provedbi Akcijskog plana:

- koristiti / sprovoditi postojeće Odluke OV kao i provedbene akte Načelnika općine Travnj,
- sudjelovanje partnera sukladno njihovim potencijalima

Zajedničko nadgledanje provedbe i evaluacija akcijskog plana

Ovaj korak podrazumijeva zajedničko nadgledanje provedbe akcijskog plana od strane mješovitih komisija koje su sastavljene od predstavnika Općine i od predstavnika građana, te istraživanjem javnog mišljenja kako bi se dobila jasna slika zadovoljstva zajednice realizacijom projekta.

Partneri koji su zajedno identificirali problem, izradili akcijski plan za rješavanje identificiranog problema i zajednički proveli taj plan, takođe mogu zajednički nadgledati provedbu akcijskog plana i ocijeniti njegov utjecaj. Važnost ovog koraka je u jačanju zajedničke odgovornosti kao i u povećanju međusobnog povjerenja partnera.

Učešće predstavnika građanskih grupa u radu tijela za odbor i evaluaciju, (zajedničko sačinjavanje evaluacijskog izvještaja)

Donošenje Odluke od strane Općinskog vijeća i provedbenih akata Načelnika za praćenje partnerskih aktivnosti.

III. POTENCIJALNA PODRUČJA LOKALNE UPRAVE OTVORENA ZA PARTNERSTVO

Saradnja i partnerstvo Općine s građanima od iznimne je važnosti za napredak Općine i njen razvitak, kako privredni i kulturni teko i opće društveni.

Saradnja općine Travnj s građanima već ima svoje temelje u brojnim aktivnostima koje se provode izvjesno vrijeme, ali te aktivnosti je potrebno proširiti i nadograditi. Međutim, prije svega potrebno je definisati koja su to potencijalna područja saradnje gdje Općina i građani mogu više djelovati i unaprijediti svoju saradnju.

Saradnju i potencijalna područja saradnje mogu se razdvojiti na:

- Saradnje za ekonomski i društveni napredak

- Saradnja na pružanju usluga

Potencijalna područja saradnje za ekonomski i društveni napredak su:

- Privredni razvitak
- Demokratizacija
- Okoliš
- Infrastruktura

Općina takođe mora raditi i na uspostavljanju standarda u pružanju usluga i podizanju kvalitete pruženih usluga građanima.

Na ovom polju kao moguća područja saradnje trebaju se izdvojiti :

- Administrativne procedure
- Komunalne djelatnosti i infrastruktura
- Informisanje i konsultiranje
- Socijalne mjere i sprovođenje socijalne politike

Privredni razvitak

Najvažnije u razvitku nekog grada i područja je privredni napredak koji za posljedicu ima i poboljšanje uslova života te napredak u svakom smislu. Stoga općina Travnik treba poduzeti sve mjere kako bi poticala razvitak privrede, korištenje njenih raspoloživih prirodnih i ljudskih resursa i potencijala, te stvarati privredno atraktivno okruženje. Ove aktivnosti moguće je provoditi sarađujući s privrednim komorama, udruženjima privrednika, Zavodom za zapošljavanje, i sl. Također je potrebno uraditi više na promoviranju općine i njenih potencijala i resursa kako bi se privukli investitori te stvorilo zdravo privredno okruženje i širio pozitivan imidž općine.

Demokratizacija

Demokratizacija društva je jedno od najvažnijih obilježja savremenoga društva. Stoga je potrebno provoditi sve aktivnosti koje će pospješiti sudjelovanje građana, te transparentnosti i odgovornosti lokalnih vlasti a s ciljem stvaranja demokratskoga okruženja i dovođenja do potpune demokratizacije društva.

Okoliš

Zdrav okoliš je osnova zdravog života pojedinaca i društva u cijelosti te je potrebno raditi na promicanju značaja životne sredine i educiranju građana o njezinoj važnosti kao osnovnog preduslova zdravog života.

Saradnju na ovom području moguće je ostvariti kroz različita udruženja koja se bave zaštitom okliša, te sportskim klubovima i udruženjima, različitim javnim preuzećima čije područje djelovanja je usmjereno na okliš i njegovu zaštitu. U saradnji s ovim udruženjima i preduzećima može se uraditi studija zaštite okoliša te uraditi Strategiju, koja bi dugoročno predviđala korake i aktivnosti zaštite okoliša i prirodne sredine.

Infrastruktura

Partnerstvo s građanima na ovom području duže vrijeme bio je jedini oblik partnerstva osobito kada se govori o izgradnji, održavanju i rekonstrukciji lokalnih puteva, sistema vodosnabdijevanja, javnoj rasvjeti, i sl.

Ovaj vid saradnje treba nastviti te unaprijediti tako da cijela Općina u infrastrukturnom smislu dostigne što je moguće višu razinu jer o razvijenosti infrastrukture zavisi privredni razvitak i kvaliteta života.

Administrativne procedure

Kako bi se poboljšala kvaliteta pružanja usluga i ubrzale administrativne procedure potrebno je ispitivati građane o njihovom zadovoljstvu pruženim uslugama i raditi na unaprijeđenju nedostataka. Od iznimne je važnosti raditi na standardizaciji općinske administracije te poduzeti druge aktivnosti kako bi se administrativne procedure ubrzale i postale učinkovitije.

Takođe se treba raditi na uspostavljenju aktivnosti za kontinuirano praćenje ISO standarda i kvalitete.

Komunalne djelatnosti i infrastruktura

Na ovom području partnerstvo se treba ogledati kroz djelatnosti komunalnih preduzeća i preduzeća koja se bave srodnim djelatnostima te blagovremenom reagiranju građana na pružene usluge.

Građani će svojim primjedbama, kritikama, sugestijama i prijedlozima kroz lokalnu vlast utjecati na rad i kvalitetu usluga koje pružaju ova preduzeća.

Informisanje i konsultiranje

Komunikacija je osnovni preduvjet za razvijanje partnerskih odnosa te je potrebno uraditi što je više moguće za uspostavljanje komunikacije s građanima ali i njenom unaprijeđenju. Informisanje i komuniciranje su aktivnosti koje se mogu provoditi:

- posredno putem medija i sredstava javnog informisanja (najčešći vid komunikacije),
- neposrednom komunikacijom s građanima, putem centra za informisanje i zatupničkoga ureda koji već postoje u općini Tranik, te kroz neformalne sastanke s građanima
- putem službene WEB stranice gdje se može napraviti odjeljak za komunikaciju s građanima

Socijalne mjere i sprovođenje socijalne politike

Partnerstvo na ovom području podrazumijeva uključivanje svih građana, lokalne vlasti i drugih ustanova u pružanju pomoći socijalno ugroženim kategorijama. Kao potencijalni partneri tu se mogu javiti građani pojedinci, udruženja građana, Centar za socijalni rad, općinska Služba civilne zaštite, lokalna vlast, odgojno obrazovne institucije (škole), i sl.

IV KRITERIJI ZA ODABIR PARTNERSTVA IZMEĐU LOKALNIH VLASTI I GRAĐANA

Osnovni preduslov partnerskih odnosa između Općine i građana je komunikacija s građanima, pri čemu je važno naglasiti da Općina Travnik ima instrumente:

1. Centar za pružanje usluga građanima
2. Knjiga žalbi – za građane
3. Kutija za postavljanje pitanja građana izabranim zvaničnicima vlasti – štampa se i brošura u cilju komuniciranja sa javnošću
4. Zastupnički offis preko kojeg građani mogu pitati sve što ih interesuje one koji participiraju u vlasti itd.
5. Uvođenje i distribuiranje letaka građanima o zaključcima sa sjednica Općinskog vijeća (Prilog br. 2.)

Sadašnje stanje u razvoju partnerskih odnosa između Općine Travnik i građana neophodno je još poboljšati jer će to svakako doprinijeti sveukupnom razvoju lokalne zajednice i upoznavanju šire javnosti sa razvojnim projektima na području Općine.

U tom procesu svaka strana treba doprinijeti u skladu sa svojim mogućnostima, jer obje strane i Općina kao institucija i građani imaju svoju ulogu u društvu, svoje obaveze, ali i odgovornosti.

Kriteriji za selekciju partnerskih aktivnosti

Mišljenje građanina je relevantno ako je javno izraženo. Općina to treba podržati jer to donosi korist za širu zajednicu.

U tom smislu kriteriji za odabir područja partnerstva i unapređenja jačanja nevladinog sektora i MZ-a su:

- korist za širu zajednicu, javni interes,
- dio općinskih strateških razvojnih ciljeva,
- specijalne (hitne) specifične potrebe zajednice ili građanskih grupa,
- doprinos građana (finansijnsak, donatorska, materijalna i druga sredstva),
- lokalna vlast uspostavlja partnerstvo uvodeći finansirano područje i područje koje neće finansirati,
- lokalna vlast zajednički utvrđuje sa NVO i MZ što je to javni interes, kao i
- u kojem slučaju partnerstvo može biti finansirano,
- u kojem slučaju treba biti dobrovoljno
- i drugi kriterije utvrđene dokumentima Općine Travnik

U tom smislu razraditi mehanizme provedbe takve vrste partnerstva, npr.

- Zajednička tijela koja će razraditi i pripremiti sve inicijative u tom smislu; npr. (kroz anketiranje građana da se vidi šta građani misle o određenom problemu, kao i sve što je potrebno za implementaciju projekata koji će biti ili dio općinskih strateških razvojnih ciljeva ili rezultat specifičnih potreba zajednice ili građanskih grupa)
- Općina upućuje poziv za finansiranje NVO sektora i sektora MZ gdje će Općina, NVO i MZ zajedno utvrditi šta je to „javni interes“ građana (npr. infrastrukturni i razvojni projekti, sport, kultura, edukacija mladih (stipendiranje npr.) ili je to pomoć povratničkoj populaciji ili invalidnim licima itd.)

Kriteriji za selekciju partnera kada su u pitanju udruženja građana, NVO, MZ, razne fondacije

- Javni ugled i stečeni kredibilitet,
- Legitimnost i autoritet,
- Dokaz kapaciteta za doprinos razvoju zajednice,
- Potvrđena pouzdanost i posvećenost u obavljanju aktivnosti,
- Sporazum između Općinskog vijeća, Općinskog načelnika i NVO.

Mogu se po potrebi utvrditi i dodatni kriteriji koji će biti javno predočeni. Oni predstavljaju sastavni dio svih javnih poziva i konkursa za dobijanje sredstava za realizaciju projekata koje raspisuje Općina odnosno Načelnik (vidi prilog br. 3).

Procedura za prijavljivanje i selekciju (odabir)

Animirati sve koje se bave tom djelatnošću (civilni sektor). Na taj način pomoći Općini za partnerstvo sa NVO, MZ u nekoj važnoj oblasti.

U tom smislu trebaju:

- Mehanizmi i procedura za iniciranje partnerstva sa bilo koje strane
- Mehanizmi za podršku i pokretanje partnerstva
- Autoriteti i mehanizmi za selekciju prijedloga partnerstva tj. Projekata.

Ovi mehanizmi, i dodatni po potrebi bit će javno predočeni i sastavni su dio javnih poziva ili konkursa za dobijanje sredstava za realizaciju samih projekata koje raspisuje Općina, odnosno Načelnik, a za razradu mehanizama zadužen je Odbor za partnerstvo.

Nadzor nad selekcijom, sprovođenjem kriterija te evaluacijom realiziranih partnerskih aktivnosti provodi Odbor za partnerstvo.

- Popunjeni prijavni obrazac projekta za kapitalna ulaganja (vidi prilog br 3.), dostavlja se Općinskoj Komisiji za planiranje Općinskog razvoja (KPOR).
- Popunjeni prijavni obrazac za ostale projekte (vidi prilog broj 4. a i b) dostavlja se Odboru za partnerstvo koji je obavezan pružiti povratnu informaciju o toku aktivnosti na realizaciji projekta.

***Budžetski i finansijski aranžmani
(Budžet i finansije)***

- Obavezno i kontinuirano uključivanje stavke za partnerske aktivnosti u budžet Općine

VI ODBOR ZA PARTNERSTVO S GRAĐANIMA

Zadaci i odgovornosti Odbora za partnerstvo s građanima

Odbor za partnerstvo s građanima ima prvenstveno sljedeću ulogu:

- Utvrđivanje postojanja osnove za partnerske aktivnosti
- Sprovođenje Strategije Partnerstvo
- Vršiti nadzor nad selekcijom, sprovođenjem kriterija te evaluacijom partnerskih aktivnosti
- Odrađivanje svih potrebnih aktivnosti koje nameće proces partnerstva u smislu rješavanja problema (ako i kada se pojave) i koja nisu eventualno predviđena ovim dokumentom o partnerstvu
- Učestvovanje u praćenju komunikacija odnosno partnerskih odnosa kroz prisustvo i analizu u javnim raspravama koje organizuje općinska administracija, a koje su sve češći oblik uticaja javnosti na donošenje strateški važnih odluka i planova razvoja
- Saradnja sa NVO, MZ i Udruženjima građana kada je u pitanju ista problematika
- Saradnja sa svim tijelima na nivou općine koja imaju zadatak i cilj sličan ovom Odboru
- Saradnja sa drugim istim ili sličnim tijelima u drugim općinama, Kantonu ili višim nivoima vlasti
- Informisanje i edukacija građana o partnerstvu u skladu sa Strategijom Partnerstvo s građanima
- Predlaže Općinskom vijeću i provodi druge aktivnosti u procesu implementiranja Strategije Partnerstvo
- Preporučuje Općinskom vijeću ažuriranje Strategije Partnerstvo
- Savjetodavna uloga i otklanjanje svih poteškoća i dilema u komunikaciji lokalna zajednica – građanin
- Odrađivanje svih potrebnih aktivnosti koje nameće proces partnerstva u smislu rješavanja problema (ako i kada se pojave) i koji nisu eventualno predviđene ovim dokumentom o partnerstvu

Imenovanje Odbora za partnerstvo s građanima

Odbor za partnerstvo s građanima imenuje Općinsko vijeće , na mandatno razdoblje Vijeća, s tim da se ne može ukinuti predhodni Odbor dok se ne imenuje novi od novoizabranog Općinskog vijeća.

Odbor za partnerstvo s građanima u sprovođenju strategije u svom radu radi i odlučuje po pravilima koja su definirana u Poslovniku o radu Odbora za partnerstvo, kojeg sam Odbor donosi.

Donošenje Poslovnika vrši se na način i po procedurama kojim je definisan rad Općinskog vijeća, dakle po Poslovniku o radu Općinskog vijeća, a nakon usvajanja Poslovnika, po njegovim odredbama.

Naprijed navedenim Poslovníkom definisat će se između ostalog i pravo predstavljanja i davanja informacija od strane ovog Odbora prema sredstvima javnog informisanja i građanima.

Odbor za partnerstvo s građanima je stalno radno tijelo .
Sve odredbe Poslovnjika o radu općinskog vijeća Travnik odnose se i na ovo radno tijelo.

Predlaže se Komisiji za Statut da se prilikom izrade Statuta i Poslovnika o radu Općinskog vijeća ovaj odbor uvrsti kao stalno radno tijelo Općinskog Vijeća.

Sastav Odbora za partnerstvo s građanima

Odbor za partnerstvo s građanima broji pet (5) članova.

Dva člana Odbora za partnerstvo su iz reda općinskih vijećnika koje predlažu sami vijećnici, dva člana su iz reda civilnog društva koje predlažu predstavnici civilnog društva, a jedan član je ispred izvršne vlasti kojeg predlaže načelnik Općine.

Odbor za partnerstvo s građanima dužan je najmanje dva puta godišnje (kao i druga radna tijela vijeća) podnijeti izvještaj ili informaciju o svome radu Općinskom vijeću koje ga je imenovalo, a po potrebi i više.

Odbor za partnerstvo s građanima ima pravo i dužnost saradivati sa licima unutar općinske administracije u cilju ostvarivanja što aktivnije uloge u svom radu, te pratiti poštovanje propisa i procedura donesenih od strane Općine a vezanih za komunikaciju, pristup informacijama, Strategiju i druga pitanja za kojima se ukaže potreba.

Broj: _____/08
Datum: _____ 2008.

T r a v n i k

**PREDSJEDAVAJUĆI
OPĆINSKOG VIJEĆA TRAVNIK**

Ljupko Sučić